

461 Sprach Parzival. »mir ist vreude ein troum;
 ich trage der riwe swären soum.
 hêrre, ich tuon iu mîr noch kunt:
 swâ kirchen ode münster stuont,
 5 dâ man gotes êre sprach,
 dehein ouge mich dâ nie gesach
 sít den selben zîten;
 ichn suochte niht wan strîten.
 och trage ich hazzes vil gein gote,
 10 wander ist mîner sorgen tote.
 die hât er al ze hôhe erhaben;
 mîn vreude ist lebendec begraben.
 künde gotes kraft mit helfe sîn,
 waz ankers wäre diu vreude mîn!
 15 diu sinket durch der riwe grunt.
 ist mîn manlich herze wunt
 – od mag ez dâ vor wesen ganz,
 daz diu riuwe ir scharpfen kranz
 mir setzet ûf werdecheit,
 20 die schildes ambet mir erstreit
 gein werlichen handen? –,
 des gihe ich dem ze schanden,
 der aller helfe hât gewalt,
 ist sîn helfe helfe balt,
 25 daz er mir denne hilfet niht,
 sô vil man im der hilfe giht.«
 der wirt ersiufzet unt sach an in.
 dô sprach er: »hêrre, habt ir sin,
 sô sult ir got getrouwen wol.
 30 er hilfet iu, wander helfen sol:

P. sp., *G (nur GI)
 noch om. *T
 s. t. (vrouden tote T [*]: sorgen rotte V), *T
 wan die *T
 dâ von w. (werden V) *G (ohne LZ) *T
 sch. glanz ([*]: cranz V) *T
 gegen werdeclichen h.? –, *T (I)
 ist er sîner h. b., *T
 im helfe ([*]: der helfe V) g.« *T

*D: D *m: m *G: G I O L Z Fr22 (461.17–30) *T: T V

1 Initiale D G I O L Z **3** Majuskel T **15** Initiale I **27** Initiale T V

1 sprach] [±prach]: sprach *nachträglich korrigiert zu (Initiale nicht ausgeführt): ±prach D* **4** kirchen] kirche (kirsch m) *m V **17** vor wesen] von werden *m **25** denne] dar *m **29** getrouwen] getwén D